

**ქალაქ ფოთის მუნიციპალიტეტის საკრებულო
საფინანსო-საბიუჯეტო კომისია**

ო ქ მ ო № 5

13.03.2019 წ.

სხდომას თავმჯდომარეობდა: თორნიკე კირთაძე
სხდომას ესწრებოდნენ კომისიის წევრები:

ოლეგ ნაჭიებია
დათო ხომერიკი
ზექა ვაჭარაძე
პაატა ჩაგანავა
თორნიკე ხარჩილავა

ქალაქ ფოთის მუნიციპალიტეტის მერიის
საფინანსო-საბიუჯეტო სამსახურის უფროსის
მოადგილე

ვასილ თოდუა

მოისმინეს: „ქალაქ ფოთის მუნიციპალიტეტის საკრებულოს საფინანსო-საბიუჯეტო კომისიის სხდომის დღის წესრიგის შესახებ“.

მომხს. თორნიკე კირთაძე

დღის წესრიგი

1. „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2018 წლის 24 დეკემბრის № 24/40 დადგენილებაში ცვლილების შეტანის თაობაზე.

მომხს. თორნიკე კირთაძე

მოისმინეს: თორნიკე კირთაძის მოხსენება დადგენილების პროექტის „ქალაქ ფოთის მუნიციპალიტეტის 2019 წლის ბიუჯეტის დამტკიცების შესახებ“ ქალაქ ფოთის მუნიციპალიტეტის საკრებულოს 2018 წლის 24 დეკემბრის № 24/40 დადგენილებაში ცვლილების შეტანის თაობაზე.

აზრი გამოთქვეს: დ. ხომერიკიმა, პ. ჩაგანავამ

პ. ჩაგანავა: რამდენი სკოლა რემონტდება?

ვ. თოდუა: რესურსცენტრთან შეთანხმებით მიმდინარე წელს რემონტდება ყველა სკოლა, ტარდება სანტექნიკის სამუშაოები... ფანჯრები, სახურავი - ამ სამუშაოებზე 540 ათ. ლარია რესურსი.

დ. ხომერიკი: პროექტი არის ამ სამუშაოებზე?

ვ. თოდუა: პროექტი ჩვენი გაკეთებულია, ბრძანებაშია ასახული ყველაფერი.

დ. ხომერიკი: ტენდერი გამოცხადებული ჯერჯერობით არ არის...

ვ. თოდუა: დაახლოებით 2 თვე სჭირდება სამუშაოების დაწყებას. წელსვე 1 ოქტომბრამდეა ასათვისებელი ეს 540 ათ. ლარი, ანუ სწავლის დაწყებამდეა დასამთავრებელი სამუშაოები.

დ. ხომერიკი: ე.ი. სკოლების გადმოცემაზეა მიმართული ეს ყველაფერი...

ვ. თოდუა: თუ გადმოგვეცა სკოლები, შემოსავლების წყაროც იქნება ალბათ 50-50-ზე გათვალისწინებული. დაფინანსება ხდება რეგიონალური ფონდიდან, ასევე ბალების რეაბილიტაციაცაა გათვალისწინებული. ყველაფერი ბრძანებითავა ასახული და შესაბამისად უნდა განხორციელდეს ეს ცვლილებები ბიუჯეტში.

დაადგინეს: საკრებულოს საფინანსო-საბიუჯეტო კომისია ეთანხმება წარმოდგენილ პროექტს შემდეგი შენიშვნის გათვალისწინებით:

დადგენილების პროექტში მუხლი 2-ის პირველი პუნქტი ჩამოყალიბდეს შემდეგი რედაქციით:


„ 1. ეს დადგენილება ძალაშია გამოქვეყნებისთანავე და მისი მოქმედება გავრცელდეს 2019 წლის --- მარტიდან წარმოშობილ სამართლებრივ ურთიერთობებზე, გარდა პირველი მუხლის ბ.ი), ბ.კ), ბ.ლ) და ბ.მ) პუნქტებისა.“

კომისიას მიზანშეწონილად მიაჩნია აღნიშნული საკითხი განხილულ იქნას საკრებულოს ბიუროსა და საკრებულოს რიგგარეშე სხდომაზე.

მომხრე – 6

წინააღმდეგი – 0

კომისიის თავმჯდომარე



თორნიკე კირთაძე